

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

— ❦ —

مسلكمزه موافق آثار قبول اولنور.
درج اولنمیان اوراق اعاده اولنماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.

— ❦ —

استانبول ایچون سنه لکی مطبعه دن
آلفق شرطیله ۴۰ طشره لره پوسته
اجرتیله برابر ۶۰ غروشدرد.

نسخه سی ۱ غروش

پنجشنبه کونلری نشر اولنور ادبی، فنی و صناعی غنیه در ❦

نسخه سی ۱ غروش

کندی سنک بلا ايجاب دو چار ضرورت اولديغنی کوره درك اکلتمک ایسته بن خلق استهنز الینه اصلا حاله سمع اعتبار ایتیه درك ییوب ایچه جکدن وکیه جک البسه دن محروم قالدی؛ بر حالده که اعمال ایتدیکی شیرلی پیشیرمه مخصوص اوله رق بالذات انشا ایتمش اولدینی فرونی تسخین ایچون اودون بوله مه دیغندن بائچه سنک اطرافنده کی چیتک قازیق و دکنگلرینی؛ صوکره اسکمله لزی، ماصه لری، قپولری، حاصلی خانه سنک بوله و دوشمه تختلرینه وارنجیه قدر یانه جق شیرلک کافه سنی یاقدی. نهایت بو دفعه مینالر باشقه صورتله آرزویه محل براقه دیلر ایسه ده فرونک انشاسنده استعمال ایتمش اولدینی چاقل طاشلری کیرجبرک آراسندن آییریلوب دوشه درك مینالره یایشیدیلر و قوجه صنعتکار بو حالده بیلله آلا جقلولرینک تضییقاتنه باقه ییوب ناتمام اولان معمولاتی آنلره ترک ایده جک یرده بسبتون تحریب ایله دی. ایشته اوزمان فروندن چیقارمش اولدینی پارچه لری محافظه ایتک ایچون اولوقت هنوز استعماله باشلامش اولدینی حالده ایوم بورسلن دستکاهلر مزده فابریقه لر مزده استعمال اولنه. کلسکده اولان «قازت» لری تخیل ایتدی.

«برنار پالیسی» نهایت بویباض مینالره مالک اولدینی حالده شمیدی ده بونلری رنک لری بر بر یله امتزاج ایده جکی صورتده، تلوین ایتک آرزوسنه دوشه درك مساعیسی سایه سنده بوکاده موفق اولدی.

بو آندن اعتباراً مومی الیه «چینی اعمالی صنعتک موجد حقیقیسی» نامیله یاد ایدیله. بیلکه باشلادی. قرالار، سنورلر بونک آثار صنعتکاریسی اوزرینه مباحثه یه باشلادیلر. زواللی آدم جاده لرده کندی سینه دقت ایدن بولنور ملاحظه سیله اکیلوب کیتک مجبوریتنده بولنه رق حجاب و حجالت ده چار اولوب «بن آرتق اسکیمی دکلم...» دیر

ایدی. لکن برنار ایچون دیگر برطاقم تهلسکه باش کوستریور ایدی.

برنار، پروتستانلغی قبول ایتیش و «قراله مخصوص صاقسیرلر و ساره معمولاتک موجدی» نامیله امتیاز استحصال ایتیش اولان «مونخورانس» قومانداننک وساطتیه مراجعت ایتمک سزین ایشه باشلامقدن چکنه مشدر.

«تویلری» سراینده اقامت ایده درك هر درلو غالیه و اندیشه دن وارسته بولندیغنی حالده صنعتیه حصر وجود ایله کک تحریراً و کرکسه مذاکرات و مباحث شفاهیه ایله، خزان فنیه مستحصله سندن و طنداشلرینی مستفید ایتکله مشغول اولدی. بو حال ایسه کندی سنک ضیاعنه باعث اولدی. برطاقم منجمین و سحر بازلر، کندیلرینک حیل و فسادلرینی کشف و اظهار ایدن بو «ای آدم» علمیه اتفاق ایده درك زوالینک باستیل قلعه سنده محبوسیتیه قرال اوچنجی هانری طرفندن امر مخصوص استحصاله موفق اولدیلر. بیچاره آدم اوراده تقریباً طقسان یاشنه واصل اولمش اولدینی حالده وفات ایتدی. (۱۵۸۹).

— ❦ —

❦ یکی کتابلر ❦

— ❦ —

❦ اطائف اللغة ❦

ملت ناجیه اسلامیة لسان شریف عربی تحصیله دیناً ادباً مجبور اولدیغندن لسان مذکورک تسهیل تحصیلی امرنده تشمیر ساق اهتمام ایدنلر هر یرده مظهر احترام اولورلر.

ایشته یوکون نشرینی محترم قارئلر مزه تبشیر ایده جکمز اثر بهترین اوقبیل آتاردندلر. مؤلفی اولان ازکیای نوبادن قنطره نائب

سابقی احمد اللبابیدی افندی اثرینی اودرجه اطرافلی قلمه المشکه مطالعه ایدنلر لغات مشهوره عربیه نك همان کافه سندن مستغنی اولدقدن باشقه شعر و انشا مراقیلری ده بغایت مستفید اولورلر.

زیرا عربی العبارة اوله رق تحریر ایدلمش اولان شو اثر فوائد کستر برطاقم دقایق ادیبیه دخی حاویدر.

خلاصه (لطائف اللغة) ارباب فضل و اقتدارک کتبخانه لرینی تزئینه سزا بر اثر بی نظیر در شمیدی به قدر سکر فورمه سی نشر اولمش اولان اثر بهترین مذکور تقریباً (۲۴) فورمه قدر اوله جقمش.

دیله زک دوندیکی قدر مژده رسان انتشاری اولدیغمز شو اثر دن برردانه ایدتمک ایسته ینلر صحافله مراجعت بیورملیدرلر.

— ❦ —

❦ منتخب جغرافیا ❦

ارکان جریه بحریه ضابطانندن استانبول و اپور هایونی مرتباندن رفعتلو اسماعیل حق افندی نك محصول خامه سی اولمق اوزره (منتخب جغرافیا) نامنده برائر زینت دهنده عالم مطبوعات اولمشدر.

اثرک کوریلن مکملیتی؛ زیر حمایه فیوضات وایه جناب پادشاهیده بولنان بشکطاشده کائن مکتب حمیدی شاگردانه لاجل التدریس مکتب مذکور هیئت تعلیمه سی طرفندن قبولیه برقات ده اظهار ایدلمشدر. جغرافیا کبی فنون عالیه دن بولنان بر علمک دقایق و مباحث لازمه و مفیده سنی جامع بولوندیغنی کبی اطفال و نور سیدکانک بالسهوله قرائت و تعلملرینی مکفل و مبین بر اسلوبده تحریر ایدلمش اولمغله توصیه ایدمزد.

— ❦ —